



অবিলম্বে প্রকাশের উদ্দেশ্যে: 12/13/2023

গভর্নর ক্যাথি হোকল

গভর্নর হোকল ছুটির মরসুমে "সুস্থ অবস্থায় গাড়ি চালান বা আটকে পড়ুন" প্রয়োগের উদ্যোগের ঘোষণা করেছেন

*এই ছুটির মরসুমে নেশাগ্রস্ত গাড়ি চালকদের জন্য NYS-এর রাস্তাগুলিতে অতিরিক্ত ট্রুপারদের মোতায়েন করা হবে*

*বড়দিন এবং নববর্ষের সপ্তাহান্তে নির্মাণ সংক্রান্ত রাস্তা বন্ধ করা সীমিত হয়েছে*

গভর্নর ক্যাথি হোকল আজকে ঘোষণা করলেন যে এই ছুটির মরসুমে নেশাগ্রস্ত অবস্থায় গাড়ি চালানোর বিরুদ্ধে পদক্ষেপ নিতে জাতীয় আইন শৃঙ্খলা রক্ষাকারী উদ্যোগে নিউ ইয়র্ক স্টেট পুলিশ অংশগ্রহণ করবে। নিউ ইয়র্ক স্টেটের পুলিশ জাতীয় "সুস্থ অবস্থায় গাড়ি চালান বা আটকে পড়ুন" (Drive Sober or Get Pulled Over) প্রচারাভিযানে অংশগ্রহণ করবে, যা বুধবার, 13ই ডিসেম্বর 2023 থেকে সোমবার, 1লা জানুয়ারি 2024 পর্যন্ত চলবে।

"নেশাগ্রস্ত অবস্থায় গাড়ি চালানো হচ্ছে বেপরোয়া, বিপজ্জনক এবং বেআইনি এবং নিউ ইয়র্কের সড়কপথে এর জন্য আমাদের শূন্য সহনশীলতা রয়েছে," **গভর্নর হোকল বলেছেন।** "আমরা এই ছুটির মরসুমে একটি স্পষ্ট বার্তা পাঠাচ্ছি যে যারা আমাদের যানবাহন এবং ট্রাফিক আইন লঙ্ঘন করবেন তাদের টিকিট দেওয়া হবে বা তারা অপরাধমূলক অভিযোগের মুখোমুখি হবেন।"

নেশাগ্রস্ত অবস্থায় গাড়ি চালনার (DWI) চেকপয়েন্ট ও টহল ছাড়াও, ট্রুপাররা অমনোযোগী গাড়ি চালক, ঠিক মতো সিটবেল্ট না বাধা গাড়ির যাত্রী এবং যে গাড়িচালকরা "মুভ ওভার আইন" (Move Over Law) লঙ্ঘন করছেন, যা হল রাস্তার পাশে থেকে থাকা বা থামানো জরুরি যানবাহনের পাশ কাটিয়ে যাওয়ার সময় খুব সতর্ক থাকার আইন, তাদের উপরেও নজর রাখবেন। এছাড়াও স্টেট পুলিশ পুরো স্টেটে যথাযথ বয়স হওয়ার আগেই অ্যালকোহল পান করছেন এমন ব্যক্তিদের উপরে সেই আইন প্রয়োগের বিশদ নিয়ে কাজ করবে।

**নিউ ইয়র্ক স্টেট পুলিশের ভারপ্রাপ্ত সুপারিনটেনডেন্ট ডমিনিক এল. চিউমেন্টো বলেছেন,** "আমরা আপনাদের সকলকে একটি চমৎকার ছুটির মরসুম এবং শুভ নববর্ষের শুভেচ্ছা জানাই! ছুটির দিনগুলি যাতে নিরাপদ থাকে তা নিশ্চিত করার জন্য আমরা আমাদের পক্ষ থেকে কাজ করব। আমাদের সদস্যরা বেপরোয়াভাবে এবং নেশাগ্রস্ত অবস্থায় গাড়ি চালানোর ফলে অপ্রয়োজনীয় দুঃখজনক ঘটনা রোধ করতে আপনার রাস্তাগুলিতে সতর্ক

থাকবেনা আপনি যদি মদ্যপান করে থাকেন তাহলে অনুগ্রহ করে গাড়ির চালানোর আগে দুবার ভাবুন। যদি আপনি মদ্যপান করে থাকেন, তাহলে অনেকগুলি বিকল্প উপলব্ধ রয়েছে যা আপনার গন্তব্যে নিরাপদ পথ প্রদান করবে। আসুন একসাথে এই ছুটির মরসুমে আমাদের সড়কপথগুলির নিরাপত্তাকে অগ্রাধিকার দিই।"

এই ট্রাফিক আইন প্রয়োগকারী প্রচারণাগুলিকে গভর্নরের ট্রাফিক সেফটি কমিটি (Governor's Traffic Safety Committee, GTSC) দ্বারা অর্থায়ন করা হয়, যা উচ্চ-দৃশ্যমানতা প্রয়োগের প্রচেষ্টায় রাজ্য, কাউন্টি এবং স্থানীয় স্তরের আইন প্রয়োগকারী সংস্থাগুলির অংশগ্রহণকে প্রচার এবং সমর্থন করে। অনুদানের তহবিলটি সেই ছুটির দিনগুলির মতো বছরের সেই সময়গুলিতে পরিপূরক ট্র্যাফিকের প্রয়োগ এবং ব্যস্ততার জন্য প্রদানের উদ্দেশ্যে, যখন অ্যালকোহল বা মাদকের কারণে নেশাগ্রস্ত গাড়ি চালকদের রাস্তায় থাকার সম্ভাবনা বেশি থাকে।

**নিউ ইয়র্ক স্টেট DMV কমিশনার এবং GTSC চেয়ারম্যান মার্ক জে.এফ. শ্রোডার বলেছেন,** "পরিবার এবং বন্ধুদের সাথে ছুটির দিনগুলি উদযাপন করার জন্য একত্রিত হওয়া অনেক আনন্দ নিয়ে আসে, এবং আমরা নিজেদের এবং অন্যদের সেই প্রক্রিয়া চলাকালীন যাতে নিরাপদ রাখি তা নিশ্চিত করা আমাদের সকলের জন্য প্রয়োজনীয়। যদি আপনি জেনে থাকেন যে আপনার অনুষ্ঠানে অ্যালকোহল জড়িত থাকবে তাহলে একটি পরিকল্পনা করুন। কীভাবে নিরাপদে বাড়ি ফেরে যায় তা বার করতে কেবল এক মুহূর্ত লাগে এবং আপনি যদি সেই পরিকল্পনাটি না করে থাকেন তাহলে এটি মনের বেদনা এবং রাস্তায় চলাকালীন অসুবিধা প্রতিরোধ করবে।"

[একটি পরিকল্পনা রাখুন অ্যাপটি \(Have a Plan app\)](#) সাহায্য করতে পারে। গভর্নরের ট্রাফিক সেফটি কমিটি এবং NYS STOP-DWI ফাউন্ডেশনের তফর থেকে নিয়ে আসা এই বিনামূল্যের অ্যাপটি আপনাকে ড্রাইভার নিয়োগ করতে, ট্রাফিকি ভাড়া করতে অথবা অন্য কারোর সাথে রাইড শেয়ার করে যেতে সাহায্য করবে এবং নেশাগ্রস্ত অবস্থায় গাড়ি চালালে কী পরিণতি হতে পারে তা জেনে নিতে সাহায্য করবে। আপনি যদি কাউকে মদ পান করে অথবা নেশাগ্রস্ত হয়ে গাড়ি চালাতে দেখেন তাহলে সেই গাড়ি চালকের বিরুদ্ধে এই অ্যাপের মাধ্যমে অভিযোগ জানাতেও পারবেন। এই অ্যাপটি অ্যাপল (Apple), অ্যান্ড্রয়েড (Android) ও উইন্ডোজ (Windows) স্মার্ট ফোনের জন্য পাওয়া যাচ্ছে।

ব্যস্ত ছুটির সপ্তাহান্তে যাত্রা সহজ করার প্রচেষ্টায় নিউ ইয়র্ক স্টেটের হাইওয়েগুলিতে রাস্তা ও সেতু নির্মাণের প্রকল্পের কারণে অস্থায়ীভাবে বন্ধ লেন 22 ডিসেম্বর শুক্রবার সকাল 6টা থেকে 26 ডিসেম্বর মঙ্গলবার সকাল 6টা পর্যন্ত স্থগিত করা হবে। এছাড়াও নির্মাণের কাজ 29 ডিসেম্বর শুক্রবার সকাল 6টা থেকে 2 জানুয়ারি মঙ্গলবার সকাল 6টা পর্যন্ত বন্ধ থাকবে মোটর চালকদের জন্য যাত্রা সহজ করে তুলতে

গাড়ি চালকদের অবগতির জন্য জানানো যাচ্ছে যে স্থায়ী কংক্রিটের ব্যারিয়ারের পিছনে অথবা জরুরি মেরামতের জন্য কিছু কাজ অব্যাহত থাকতে পারে। নির্মাণকাজ স্থগিত রাখার ব্যাপারটি নিউ ইয়র্ক স্টেটের গাড়ি চালকের প্রথম উদ্যোগের সাথে মানানসই, যা এখানে রাস্তা ও সেতুর কাজের কারণে যানজট ও যাত্রার বিলম্বকে সর্বনিম্ন করতে মোটর চালকদের সুবিধাকে অগ্রাধিকার প্রদান করে।

স্টেট হাইওয়ে সংলগ্ন পার্ক-ও-রাইড ফ্যাসিলিটি, বিশ্রামের স্টপ, সার্ভিসের জায়গা ও পার্কিংয়ের জায়গা সহ টেক্সট স্টপগুলো গাড়ি চালানোর সময় মনোযোগে বিঘ্ন ঘটানোর জন্য স্টেটের প্রচেষ্টায় সহায়তা করে। নিউ ইয়র্ক স্টেট থ্রুওয়ে কর্তৃপক্ষ তাদের থ্রুওয়ের সেবার এলাকাসমূহে নিরাপদ ও সতর্ক গাড়ি চালনার প্রচারে যাত্রীদের জন্য বিনামূল্যে কফি ও গরম চা প্রদান করার ঐতিহ্যকে অব্যাহত রাখবে নববর্ষের আগের রাত 11টা থেকে নববর্ষের দিন সকাল 7টা পর্যন্ত।

থ্রুওয়ে কর্তৃপক্ষ মোটরচালকদের মনে করিয়ে দিচ্ছে যে 450 মিলিয়ন মার্কিন ডলারের বেসরকারি বিনিয়োগ ও আধুনিকায়ন প্রকল্পের অংশ হিসেবে 12টি পরিষেবার এলাকা বন্ধ এবং নির্মাণাধীন আছে। সব জায়গায় জ্বালানি পরিষেবা খোলা থাকবে। থ্রুওয়ে কর্তৃপক্ষের ওয়েবসাইটে এবং বিনামূল্যের মোবাইল পে মোটরচালকেরা সেবা এলাকা দেখতে এবং তারা কোথায় থামবে সেই পরিকল্পনা করতে পারবে।

**থ্রুওয়ে কর্তৃপক্ষের ভারপ্রাপ্ত নির্বাহী পরিচালক ফ্র্যাঙ্ক জি. হোয়ারে বলেছেন,** "নির্মাণের কার্যক্রম স্থগিত করার মাধ্যমে এই ব্যস্ত ছুটির সপ্তাহান্তগুলিতে ভ্রমণকারী মোটর চালকদের কম বিলম্ব দেখতে পাওয়া উচিত। "আমরা মোটর গাড়ি চালকদের তাদের যাত্রাগুলিতে নিরাপত্তাকে অগ্রাধিকার দিতে উৎসাহিত করি। জরুরি যানবাহন এবং থ্রুওয়ে কর্মীদের দুর্ঘটনাগুলিতে সাড়া দিতে গতি কম করুন এবং সরে আসুন, বিভ্রান্ত হয়ে গাড়ি চালাবেন না এবং থামার জন্য প্রচুর সময় ছেড়ে দিন। থ্রুওয়েতে টহল দেওয়ার জন্য এবং মোটরচালক ও আমাদের কর্মীদের নিরাপদ রাখার জন্য আমরা নিউ ইয়র্ক স্টেট পুলিশে আমাদের অংশীদারদের ধন্যবাদ জানাই।"

**নিউ ইয়র্ক স্টেটের পরিবহন বিভাগের কমিশনার ম্যারি থেরিস ডমিঙ্গেজ বলেছেন,** "ছুটির মরসুমটি বছরের সব চেয়ে চমৎকার সময়গুলির মধ্যে একটি, কিন্তু ভ্রমণকারীদের জন্য, এটি সব চেয়ে চাপেরও হতে পারে। পরিবহন বিভাগ মোটর চালকদের জন্য একটি নিরাপদ এবং ঝামেলামুক্ত যাত্রা প্রদানের জন্য যা যা করতে পারে তা করতে চায়, এবং ট্রাফিক সহজ করতে সাহায্য করার জন্য নির্মাণের কার্যক্রম স্থগিত করেছে কারণ আইন প্রয়োগকারী এজেন্সিগুলি ভ্রমণকারী জনসাধারণের নিরাপত্তার উপর তাদের প্রচেষ্টাকে কেন্দ্রীভূত করে। আমরা আশা করছি যে সকলেই একটি সুখী এবং স্বাস্থ্যকর ছুটির মরসুম কাটাবেন এবং আমরা সেই সকল ব্যক্তি যারা ভ্রমণ করছেন তাদের অনুরোধ করছি অনুগ্রহ করে করে নিরাপদে এটি করার জন্য, যাতে আমরা সবাই মিলে সকলে যাতে নিরাপদে তাদের গন্তব্যে পৌঁছাতে পারেন তা নিশ্চিত করতে পারি।"

এনফোর্সমেন্টের ক্যাম্পেইনের সময়, ট্রুপাররা অপারেশনের অংশ হিসেবে স্টেট পুলিশের চিহ্নিত যান এবং পরিচয় গোপন পরিচয়ের ট্র্যাফিক প্রয়োগকারী সংস্থার (Concealed Identity Traffic Enforcement, CITE) যানবাহন উভয়ই ব্যবহার করবে। CITE যানগুলি আরো সহজে মোটরচালকদের সনাক্ত করতে সাহায্য করবে যারা গাড়ি চালানোর সময় হাতে ধরা ডিভাইস ব্যবহার করবেন। CITE যানবাহনগুলো বিভ্রান্ত অবস্থায় গাড়ি চালানোর ক্ষেত্রে লগঘনের ঘটনাগুলো আরো ভালোভাবে পর্যবেক্ষণ করার সুযোগ করে দেয়। এই যানগুলি স্বাভাবিক

ট্র্যাফিকের সাথে মিশে যেতে পারে, কিন্তু জরুরি আলো সক্রিয় করে দিলে এগুলিকে জরুরি যান হিসেবে সহজেই চেনা যায়।

GTSC দ্বারা রিপোর্ট করা অনুযায়ী গত বছরের গুরুতর ব্যবস্থার সময় আইন প্রয়োগকারী সংস্থাগুলি রাজ্যব্যাপী 94,372টি টিকিট জারি করেছে। সেই টিকিটগুলির মধ্যে 18,222টি গতির বাড়ানোর জন্য, 3,028টি অন্যমনস্ক অবস্থায় গাড়ি চালানোর জন্য, 2,684টি সিটবেল্টের জন্য, 472টি "মুভ ওভার আইন"-এর জন্য এবং 3,139 জনকে নেশাগ্রস্ত অবস্থায় গাড়ি চালানোর জন্য গ্রেপ্তার করা হয়েছিল। 66,827জন মোটর চালককে অন্যান্য লঙ্ঘনের জন্য টিকিট দেওয়া হয়েছিল।

যদি আপনি নেশাগ্রস্ত অবস্থায় গাড়ি চালান এবং আইন ভঙ্গ করেন তাহলে আপনি পরিণতির মুখোমুখি হবেন এবং আপনাকে জবাবদিহি করতে হবে। নিউ ইয়র্ক স্টেটের অপরাধমূলক বিচারের পরিষেবাসমূহের বিভাগের ডেটা দেখায় যে অ্যালকোহল বা মাদকের প্রভাবে থাকা অবস্থায় মোটর গাড়ি চালানোর জন্য অপরাধমূলক এবং অপকর্মের কারণে গ্রেপ্তারের ফলে প্রায় 90 শতাংশ কেসগুলিতে মানুষ দোষী সাব্যস্ত হয়।

নিউ ইয়র্ক স্টেট পুলিশ এবং ন্যাশনাল হাইওয়ে ট্র্যাফিক সেফটি অ্যাডমিনিস্ট্রেশনও এই পরামর্শগুলি প্রদান করে যাতে ছুটির দিনগুলিকে সকলের জন্য নিরাপদ করা যায়:

- উদযাপন শুরু করার আগেই বাড়ি ফেরার নিরাপদ উপায় পরিকল্পনা করুন;
- মদ্যপানের আগে, একজন সুস্থ চালককে মনোনীত করুন;
- আপনি যদি নেশাগ্রস্ত হন, তাহলে একটি ট্যাক্সি বা রাইড সোর্সিং পরিষেবা ব্যবহার করুন, একজন সংযত বন্ধু বা পরিবারের সদস্যকে ফোন করুন, অথবা গণপরিবহন ব্যবহার করুন।
- আপনার সম্প্রদায়ের সংযত রাইড কর্মসূচি ব্যবহার করুন;
- আপনি যদি রাস্তায় কোনো মাতাল গাড়ি চালক দেখেন, তাহলে দ্বিধাহীনভাবে স্থানীয় আইন প্রয়োগকারী সংস্থার সাথে যোগাযোগ করুন;
- আপনি যদি এমন কাউকে চেনেন যে মাতাল অবস্থায় গাড়ি চালাতে যাচ্ছে, তাদের চাবি নিয়ে নিন এবং অন্য কোনো ব্যবস্থায় যাতে তারা নিরাপদে গন্তব্যে পৌঁছাতে পারে তার জন্য তাদের সাহায্য করুন।

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov) -এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418